



Broj: 20-11-9530/24
Travnik, 18.11.2024.god.

Na temelju člana 18. stav (2) i (3), a u svezi sa članom 10. stav (3) Zakona o javnim nabavkama („Službeni list BiH, broj: 39/14 i 59/22), te Zaključka Vlade Srednjobosanskog kantona o davanju saglasnosti za zaključenje Sporazuma o implementaciji projekta RECIRCLE odobrenog u sklopu Interreg IPA programa Hrvatska-Bosna i Hercegovina-Crna Gora 2021-2027 broj: 01-04.1-6292/2024-27 od 18.07.2024.god., Sekretar Ureda za evropske integracije, fondove, odnose s javnošću i kvalitet prema međunarodnom standardu SBK, donosi

ODLUKU

o izuzeću od primjene Zakona o javnim nabavkama

Član 1.

Od primjene Zakona o javnim nabavkama izuzima se Sporazum o partnerstvu za implementaciju Projekta: Crossborder Development Platform for Smart and Precise Agriculture and Agripreneurship Advancement- *Prekogranična razvojna platforma za pametnu i preciznu poljoprivredu i unaprjeđenje poljoprivrednog poduzetništva (CROSSMART)*, odobrenog u sklopu Interreg IPA programa Hrvatska-Bosna i Hercegovina - Crna Gora 2021-2027.

Član 2.

Procijenjena vrijednost nabavke iz člana 1. Ove Odluke iznosi 137.400,00 eura (**slovima: stotinu tridesetsedam tisuća četiristotine eura**), a sredstva su planirana Budžetom Srednjobosanskog kantona, na razdjelu Ureda za evropske integracije, fondove, odnose s javnošću i kvalitet prema međunarodnom standardu Srednjobosanskog kantona, razdjel 11 ekonomski kod 8213 – Nabavka opreme i 6139-Ugovorene i druge posebne usluge

Član 3.

Odluka stupa na snagu danom donošenja, a objavit će se na internet stranici Vlade Srednjobosanskog kantona .

O b r a z l o ž e n j e

Članom 10. Stav (2) Zakona o javnim nabavkama (Službenik list BiH, broj: 39/14 i 59/22) propisano je da se Zakon o javnim nabavkama ne primjenjuje na ugovore o javnoj nabavki koje ugovorni organ dodjeljuje ili sprovodi u skladu sa pravilima o nabavki koje određuje međunarodna organizacija ili



BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
URED ZA EVROPSKE INTEGRACIJE, FONDOVE,
ODNOSE S JAVNOŠĆU I KVALITET PREMA
MEĐUNARODNOM STANDARDU

međunarodna finansijska institucija, ako ta organizacija ili institucija u cjelini finansira navedene ugovore o javnoj nabavki.

Stavom (3) istog člana propisano je da u slučaju ugovora o javnoj nabavki iz stave (2) ovog člana koje u iznosu većem od 50% sufinansira međunaroda organizacija ili međunarodna finansijska institucija, ugovorne strane sporazumijevaju se o primjenjivim postupcima nabavke.

Udio u ukupnoj vrijednosti projekta: Crossborder Development Platform for Smart and Precise Agriculture and Agripreneurship Advancement- *Prekogranična razvojna platforma za pametnu i preciznu poljoprivredu i unaprjeđenje poljoprivrednog poduzetništva (CROSSMART)*, odobrenog u sklopu Interreg IPA programa Hrvatska-Bosna i Hercegovina - Crna Gora 2021-2027 koji se odnosi na Ured za evropske integracije, fondove, odnose s javnošću i kvalitet prema međunarodnom standardu SBK je 173.124,00 eura. Od navedenog iznosa 15% finansira Ured za evropske integracije, fondove, odnose s javnošću i kvalitet prema međunarodnom standardu SBK, a 85% finansira Interreg IPA program Hrvatska-Bosna i Hercegovina-Crna Gora 2021-2027.

Temeljem sklopljenog Sporazuma o partnerstvu za implementaciju Projekta, javne nabavke se provode po procedurama iz Priručnika za implementaciju projekta, tako će sve javne nabavke predviđene ovim projektom Ured za evropske integracije, fondove, odnose s javnošću i kvalitet prema međunarodnom standardu SBK provesti samostalno a prema pravilima Programa i procedurama iz Priručnika za implementaciju projekta.

U skladu sa naprijed navedenim donesena je Odluka kao u dispozitivu.

SEKRETAR UREDA
Dr.sci. Muhamed Softić

Dostaviti:

- 1x Vlada Srednjobosanskog kantona
- 1x Ministarstvo finansija SBK
- 1x web stranica Srednjobosanskog kantona
- 1x a/a